

眉州屬志

北280.111  
135.1  
:5



眉州屬志卷十一

士女志

鄉賢 附寺觀

列女

贈諡

流寓



先王之治民既教以德行道藝矣而於民之善行如孝弟睦姻有學者黨正書之敬敏任恤者閭胥書之故其時秀傑之倫椎魯之輩苟有微長無不備錄斯民有所則效而胥勸於善矣及至漢魏猶修都中正之職以備載士女之行如陳壽為郡中正而耆舊傳所載數百人常道將本之以作志眉之武陽舊隸犍為郡其所載如楊莽以下以功業

眉州屬志

卷十一

鄉賢

一

顯著者二十餘人又有七陽五李諸姓十二斯其化行俗美風猶近古與厥後以科舉取士士競奮於文章而民之行誼亦鮮有紀者潛德隱行宜多湮沒矣然自唐宋以來豪傑之士克自振拔或以文學或以宦績或以忠義孝友表見於世者又纍纍不乏蓋地當岷峨之間靈秀所聚固若是其盛歟抑亦文翁之化流風餘韻雖遠而猶未艾歟迄今先達景行少衰歇矣然考究遺編搜羅散失垂為信史樹之風聲俾民景而慕之為政者之急務

也作士女志

鄉賢

漢

楊 莽字翁君武陽人官揚州刺史見何霸傳

朱 遵武陽人爲功曹率兵拒公孫述絆馬戰死

贈復漢將軍

楊 渙字孟文武陽人官司隸校尉見犍爲耆舊

傳子文方漢中太守孫準字伯邳司隸校尉

趙 松字君喬武陽人官上黨太守

眉州屬志

卷十一

鄉賢

二

張 皓字叔明武陽人有傳見藝文以下有傳者俱載藝文

張 綱字文紀皓之子有傳

張 植綱之子植子續續弟方附見綱傳

王 元武陽人官別駕從事見楊統傳

趙 敦字建侯武陽人官新都令

楊 戲武陽人有傳

杜 撫武陽人有傳

蜀漢

程 瓊武陽人官尙書與巴郡文立友後晉武帝

聞其名以問立對曰臣知其人但年垂八十秉性謙退無復當時之望不以上聞耳瓊聞之曰廣休可謂不黨矣

楊 洪武陽人有傳

張 翼字伯恭武陽人綱曾孫有傳

楊 義字文然武陽人官射聲校尉

晉

李 密字令伯武陽人二子賜興有傳

楊 邠字岐之武陽人少好學志古澡厲名行州

眉州屬志

卷十一

鄉賢

三

辟主簿別駕刺史王濬舉秀才安漢雒令以選爲尚郎遷汶山太守徙授巴東轉廣漢永嘉末進衡陽太守遇流民叛亂攻沒長沙湘東邠輒求助賊衆侵盛遂破郡城獲邠欲以爲主邠不許賊晝夜執守邠候其小怠夜急走比覺已去遠收餘衆欲投湘州刺史荀眺共圖進取會眺降賊邠孤軍固城賊攻圍之誓死不移遂卒城中年六十九贈淮南內史

張 徵字建興翼子篤志好學官至廣漢太守

張 統武陽人仕苻秦爲菱水令長安失守呂光  
自龜茲還涼州刺史梁熙謀閉境拒之未決統曰  
今關中大亂京師存亡不可知呂光之來其志難  
測將軍世受國恩忠誠夙著立勲王室宜在今日  
熙竟不能用統言後光果殺熙拔涼州

唐

蘓 祐刺史味道之後家於眉父斬唐末隱居鄉  
里行義甚高祐自少極力學問穎悟過人嘗至成  
都遇道士異之屏人語曰吾能變化百物將以授

眉州屬志

卷十一

鄉賢

四

子祐固辭道士笑曰是果有以異於人矣子杲亦  
以施予顯名杲子序讀書通大義爲詩務達志教  
其子澹渙洵皆有成

陳 詠丹稜人丹鉛錄載詠及僧可朋皆以能詩  
名

五代

楊義方州人仕蜀舉進士長於詩自以其才過唐  
羅隱嘗有春日詩云海邊紅日半離水天外暖風  
輕到花又上王處回詩兩聲鞭自禁中出一簇人

從天上來

宋

段思恭州人乾德間全師雄之黨攻眉思恭募先登者許以厚賞賊遂敗思恭矯詔出上供錢帛給之其後度支劾思恭太祖嘉其果幹不罪命知州事

孫降衷州人少博學慷慨有識量孟蜀時以事至洛陽見太祖於潛底知其非常人傾心事之及太祖平蜀召見授眉州別駕賜田遣歸降衷市書萬

眉州屬志

卷十一

鄉賢

五

卷而還子會元祐間因日食求言抗疏力詆朝政田錫州人太平興國進士有傳

宋垂範州人景德間進士知潭州有惠政後掛冠歸趙抃以詩贈之云休官鎮浮俗眉壽冠同年恬養八十歲苦吟三百篇

孫抃州人字夢得有傳

石待問州人少以詩賦名累官至太常寺丞時丁謂畏其直錢易奇其文楊億李諤服其議論卽此可概其人

石揚休州人舉進士有傳

陳希亮青神人天聖中舉進士子慥有隱名曾孫與義字去非並見傳

蘓洵字老泉祐曾孫有傳

蘓軾字子瞻洵長子嘉祐進士舉制科有傳

蘓轍字子由與兄軾同登進士有傳

蘓過字斜川軾子附見本傳

呂陶彭山人舉進士有傳

楊迹青神人少好學有文名嘗謁黃庭堅論學

眉州屬志

卷十一

鄉賢

六

術邪正自是學有指歸學者宗之

方子高丹稜人與同邑胡文貴唐蒙震楊柳枝孫如壁楊守讓宋沂皆以孝聞寶元元年邑宰文靈建彙孝亭旌之刻記於石並作六孝子賦風示來者

劉渤州人初任溫江修建學校元符中詔求直言上書辨宜仁太后之誣及司馬光之枉乞用范純仁蘓轍斥退章惇蔡卞呂惠卿蔡京改提舉河北路常平尋坐元祐黨籍

任 汝州人以學問氣節推重鄉里名與蘓洵相  
上下官至光祿寺丞有能聲其弟伋亦知名通判  
黃州後知瀘州皆有偉績時稱爲大小任

史 炤州人博古能文蘓氏兄弟以師事之著通  
鑑釋文三十卷

史 經州人博學能文其思子臺賦上援秦皇下  
逮晉惠反覆哀切有補於世舉賢良不第弟沆舉  
進士子凝官至著作郎

楊 洵丹稜人元豐進士知廣都縣與家愿上書

眉州屬志

卷十一

鄉賢

七

語切直入黨籍禁錮時邑有劉氏者亦以上書第  
邪等附諸公後

桂 堂州人熙寧中守威州時霸康保壩二州交  
惡堂自攜牛酒會二會長諭以禍福乃降  
朱臺符州人舉進士有傳

史克恭丹稜人其先籍太原祖灝爲臨邛尉屬唐  
末喪亂不復東徙家於丹遂爲著姓克恭登進士  
第佐王師有功命攝本邑後死於國事追封忠佑  
侯廟祀之舊所傳翠碧軒是也生子瑾瑾生正辭



正辭生大同大同生九齡字南壽唐庚爲誌其墓  
南壽生二子易簡行簡兄弟以氣節文章爲時所  
重

家勤國州人與從兄安國定國共從劉巨游與蘓  
軾兄弟爲同門友王安石久廢春秋學勤國憤之  
著春秋新義熙寧元豐諸人紛更而元祐諸賢矯  
枉過正勤國憂之因築室作室喻二蘓讀之敬嘆  
楊孟容州人累官至淮安軍治平間與濮議不合  
熙寧間議新法又不合元祐中乞致仕哲宗書清

眉州屬志

卷十一

鄉賢

八

節二字賜之

巢 谷州人有傳

程之邵州人曾祖仁霸卽蘓洵之妻父有傳

任伯雨字德翁菽之子登進士有傳

王 宿州人與同郡李由頤程之才楊明家愿楊

恂楊千鈞賈敏中史彭年孫會家度史欽家德基

家翰劉剛楊實張儒史勵節史移中家寧史書言

張縉史勤李故成彪費易等二十五人俱元符時

上書入黨籍

王 當青神人字子思博覽古今所取惟王佐天  
畧中省元舉進士不第退居田野元祐中蘓軾以  
賢良方正薦廷對慷慨不避權貴調龍遊尉蔡京  
知成都舉爲學官不赴後京入相遂不復仕富於  
經學尤邃易與春秋著春秋列國名臣傳五十卷  
明升菴楊氏曰青神王當所論春秋名臣傳有史  
遷之風今罕傳於世惜哉

蘓元老軾從孫附見轍本傳

石康伯州人字幼安紫微舍人昌言之幼子也舉

眉州屬志

卷十一

鄉賢

九

進士不第棄去當以蔭得官亦不就讀書作詩以  
自娛獨好法書名畫古器物其家書畫數百軸以  
冊編之謂之石氏畫苑蘓軾爲作記身長七尺髯  
而黑客京師四十年鄉人有客而病者輒舁置其  
家親飲食之死則棺歛之無難色子夷庚爲亳州  
職官與富鄭公俱得罪

家 愿勤國之子紹聖初舉進士有傳

任 諒州人幼孤力學舉進士累官龍圖閣直學  
士知京兆府能前知郭藥師必反嘗爲懷州新學

碑徽宗見之嘆曰真文士也

任盡言字元受元符諫官伯雨之孫紹興從臣中  
先之子著有詩文集楊誠齋序之謂其孤峭而有  
風稜雄健而有英骨忠鯁而有義氣集今罕傳嘗  
於四六中見其賀湯侍御啓專言秦檜之惡其畧  
曰請言曠古之奸臣無若亡秦之巨蠹公攘名器  
報微時簞食之恩擅立刑誅箝當代縉紳之口制  
同列如挾兔斥異議如放豚厚鷹犬之養而搏吠  
已憎疏鷓鷯之行而孤危主勢受其願指捷若影

眉州屬志

卷十一

鄉賢

十

從忠臣不用而用臣不忠實事不聞而聞事不實  
持富貴之壘斷豈止使子弟爲卿奪造化之鑪錘  
大不許人主除吏忠義扼腕知識寒心上媿漢臣  
初乏朱雲之請劍下慚唐室未聞林甫之斲棺遂  
令存歿之間備極哀榮之典凡千餘言可謂古之  
遺直不愧其祖矣

王 箴州人蘓軾妻兄九歲通經弱冠時軾見其  
文甚愛賞箴與成都侯元叔每論古文退卽書數  
百言如史論贊元叔嘆其有良史才元祐間屢徵

不仕子光先亦登進士第以詩文名

師維藩州人爲全州文學精於春秋徽宗時興太學國子司業高閔言建學之始宜崇老成以誘掖後進乃以維落薦詔除國子學錄

文 初彭山人父永客汴初尙在襁褓年二十至汴訪父踰年始得之暨登第封永爲承事郎安輿奉迎時人稱之

唐 重彭山人大觀中進士有傳

王 賞州人舉進士累官禮部侍郎兼直學士忤

眉州屬志

卷十一

鄉賢

七

秦檜意出知利州賞爲文師蘓軾有玉臺集子稱學問該洽初除直秘閣知龍州有美政後爲吏部郎中嘗撰東都事畧一百二十卷

史守道州人字孟博通春秋登進士第官廸功郎致仕歸里所著博齋集春秋通會等書行於世

楊 椿州人舉省試第一累任憲節甚有風績後以不附秦檜被斥紹興末始起兵部尙書兼翰林學士除參知政事卒諡文安

石正行州人淳熙中登進士力學不倦尤工於書

得黃庭堅筆法自號笑齋有文集曰毫芒集

唐彥通丹稜人少孤勤苦自奮當嘉祐治平間有盛名學者爭宗師之授經者累數百人稱爲魯國先生應進士不第龍圖閣學士益昌陸誥薦之朝不報所著有五經徹旨春秋講義十二卷辨三傳七卷大抵謂春秋無褒於傳注取二三策而已其學博而不雜制行和而不流輕財好施與子三瞻庚宋史有傳庾字端孺少有文名大觀中從兄庾遊京師及庾謫嶺表萬里追隨庾詩云尙有苦吟

眉州屬志

卷十一

鄉賢

三

三十載與君同飽蜀山薇庾歿庾序其文集行世唐 庾字子西丹稜人舉進士因累坐貶惠州會赦復官承議郎餘載子文若傳

唐 瞻字白虎庾之兄有傳

李 中丹稜人唐宗室曹王暉之後準子偲爲武衛大將軍遭武氏亂棄職入蜀伏丹稜民間偲五世孫曰瑜明皇幸蜀上表得通屬籍拜長江令卒歸葬於丹瑜四世曰遠遠二世曰同爲始建令同生全別居華陽在丹者十數傳至中以進士知仙

井監累遷朝奉大夫卒贈宣奉大夫子二長燾次  
熹熹官遂寧治民寬厚凡無名之賦悉奏蠲免不  
愧其父兄焉

劉 汲丹稜人字直夫紹聖四年進士有傳

孫昭遠州人元祐進士有傳

楊 明丹稜人讀書東郭龜山上遂自號龜山登  
崇寧進士官朝請郎知合州以清節著子煒通敏  
能文官至修職郎

孫道夫丹稜人字太冲貢辟雍坐收蘓氏文除籍

眉州屬志

卷十一

鄉賢

三

後以張浚薦召對除左承奉郎上諭宰相渡江以  
來文氣未有如道夫者除秘書正字權禮部郎官  
出知懷安軍移知蜀州入對除太常少卿假禮部  
侍郎爲宰相沈該所忌出知綿州致仕

程 掌丹稜人字叔運紹興三年廷試第一歷洋  
州觀察推官豪俊明辨徒步策杖謁真德秀於浦  
城議論時事皆中機宜所著雲歸鼓吹自由編等  
書行於世

唐文若字立夫庚子有傳

樊漢炳丹稜人紹興進士歷官尙書以才望顯著有南賓志序

李燾字仁甫中子擢進士有傳子七人謙屋至塾壁壘坐謙官奉議郎屋字仲勤以薦詔試賢良方正直言極諫科官秘書省正字尋遷著作郎兼國史實錄編修直言極諫鞫論偉之知遂寧府政主簡靜至夔州路提點刑獄坐官承奉郎主管尙書架閣文字壁壘附燾傳

宇文价州人登進士第官給事中與李燾同朝孝

眉州屬志

卷十一

鄉賢

十四

宗嘗召對謂有古直臣風燾病上遣价傳旨問病增損燾因叩時事勉以忠蓋他日上復謂价曰朕嘗許燾大書續資治通鑑長編七字且用神宗賜司馬光故事爲序冠篇不謂其止此

程堂字公明州人舉進士爲駕部郎中畫竹宗文與可出湖州之門者獨公明入室

史通丹稜人少與兄恂以文學知名歷官石盤令有古循吏風著易書乾坤別解詩書義論孟義子義又世務機要十卷芻蕘策十卷

孫汝聽州人紹興進士作眉州志修於都古今前後記六十卷

杜莘老青神人舉進士傳見藝文

曹執中丹稜人官朝散郎知果州事

家大酉愿曾孫舉進士初授昭化縣主簿吳曦叛蜀大酉不受其招淳祐中侍講經筵累官工部侍郎與宰相史嵩之論不合罷去大酉爲人方直雖遭遇數竒所守不變卒諡文節

劉焯州人贊讀恭王邸權尙書禮部侍郎光宗

眉州屬志

卷十一

鄉賢

五

以太子尹臨安焯爲判官兼少尹佐政諸貴不便出爲湖北轉運判官知靜江府平李接之亂

史次秦州人舉進士傳見藝文

宋德之彭山人字正仲舉進士傳見藝文

彭叔融丹稜人字百川著太平治迹統類七十三卷陳振孫曰百川畧用袁樞通鑑本末條例爲前集四十卷中興後事爲後集三十三卷魏了翁誌其父墓後云彭君飭身嗜學卒老韋布百川之通瞻當有以卒其志者



楊汝明青神人舉進士爲成都府觀察推官時吳曦叛汝明不受其招曦平宣諭使吳玠以聞遂召汝明補官累遷工部尚書

楊大全青神人乾道中進士有傳

楊泰之青神人字叔正有傳

楊棟汝明從子紹定二年進士第一有傳

楊文仲棟從子幼孤母胡氏守節自誓教養諸子文仲遂於春秋淳祐間入大學兩試皆第一寶祐初登進士累官太常丞兼崇政殿說書每以積誠

眉州屬志

卷十一

鄉賢

六

感動帝意官至工部侍郎兼國子監祭酒後知泉州卒有見山文集

范子夷丹稜人官至朝散大夫主利州路提點刑獄事

師祖慶丹稜人官至朝奉大夫知崇慶府事

張伸丹稜人官崇政郎知榮州事

李錫燾之孫官宣議郎弟鏗官修職郎通判彭州

家坤翁州人景定三年知撫州約已剔蠹重纂圖

經民稱頌之

家鉉翁州人舉進士有傳

史用之州人出處未詳崇德廟碑文乃其所撰立論純正典則又長壽鳳山之麓有石刻讀書二大字傍識云端平三年鶴山魏了翁赴召過樂溫爲史子用之作其賢可知

明

張鑑州人洪武末任監察御史陝西左叅議在官以才幹稱

眉州屬志

卷十一

鄉賢

七

左經州人洪武中任興山教諭博通經史人稱左五經蜀士有聲者多出其門所著有武昌集行於世

張添祿州人永樂間任監察御史每按部能振揚風紀陞廣西左叅政旬宣有方民甚德之

余祥青神人任戶部郎中歷官廉介篤於故舊常負友骸骨數千里歸葬其鄉以子子俊貴贈都御史從祀鄉賢

余子俊祥子景泰進士有傳

王用才彭山人舉進士授寧府長史宸濠潛蓄異謀用才匡救以正誓死不從逮獄者累月終不屈竟憂憤而死事聞贈太常少卿賜祭其家

譙 明州人任御史巡按廣東鋤治豪猾廉介剛直改按雲南雪冤婦安撫苗夷邊宇寧戢

張愈嚴州人由刑部郎出守南康當兵變之後勞心撫恤卒於官士民號泣祠祀名宦

袁襲裳州人由進士嘉靖間任袁州知府樸質清修禮士愛民藹然冬日時嚴嵩當國不肯阿附歷

眉州屬志

卷十一

鄉賢

六

任江西副使

張景賢愈嚴之孫備兵洞庭解散羣盜又禦倭於狼山大捷世宗賜金帛擢至右僉都御史以不合時相去位詩文書法俱臻絕妙

楊 榮青神人性孝友剛方爲政興利除害復逋逃者七百餘戶時有虎夜入城傷人公禱於城隍祠虎死廟前平生不避艱險未嘗附勢取容歷官

叅政

王一麟青神人宏治間進士授歙縣令補戶部主

事從總制葉公蘭分理邊務轉餉有功陞員外郎  
余 寰子俊姪宏治間進士授戶部主事有能名  
識大體語及邊務輒能道其山川險阻慨然有用  
世之志後以督餉功遷員外郎進階奉訓大夫  
余承勛子俊次孫進士授翰林修撰嘉靖間議大  
禮被杖復爲錦衣百戶王邦奇假以建言邊情誣  
奏兵部主事楊惇惇子與勛友善亦罣誣被遣後  
復職還家著書三巖山四十餘年與楊慎爲騷雅  
友撫按十餘薦不起

眉州屬志

卷十一

鄉賢

九

張允孚州人少孤母韓性嚴正允孚妻王氏以微  
忤年餘不敢近允孚順慈旨絕迹闔闔人之感動  
姑婦如初弟允恒稚弱悉推祖業予之俾勵學成  
名宰靈壁時每得俸以強半奉母因以贍恒居里  
激揚後學拯危困鄉民化之奉爲典型云

胡 敏丹稜人由貢生授浦城丞以母老去官歸  
養文章行誼鄉里重之

宋文翼丹稜人字恕飛貢生肄業國子監授蜀藩  
長史甲申蜀省戒嚴巡撫陳士奇巡按劉之勃以

文翼有經濟才委以監軍事糧運有方人心安定  
後賊陷蜀歸隱深山以節操著年八十終

余 齋肅敏之裔字生生號鈍菴值流寇亂黃冠  
羽衣避難江左賣古文詩字自給不喜入富貴門  
亦不喜贈富貴人詩詩工漢魏及六朝唐近體不  
屑也嘗過江都與野人高士遊康熙乙丑夏卒於  
瓊花觀中年七十有九有增益軒五七古詩若干  
卷屬甥焦氏付其友張諧石選輯焦失其稿新安  
姚綸如於扇頭壁上搜錄遺詩十餘首入集倪永

眉州屬志

卷十一

鄉賢

十

清云鈍菴詩閒情逸志超然塵表真如魯仲連陶  
元亮一流人

彭萬崑丹稜人字玉吾雄傑有膽畧明末歲旱萬  
崑歛諸富室以賑鄉里獻賊遣別將屠丹萬崑聚  
壯勇守險賊至輒殺之賊不敢近一鄉獲全

虞文海彭山人剛直好義獻賊別部蹂武陽文海  
助糧聚衆禦於大水河

虞尙貴彭山人惠愷居心喜周貧乏甲申歲饑出  
粟以濟全活甚衆

皇清

彭端淑字儀一號樂齋丹稜人幼穎悟年十二入  
邑庠合江董樛齋太史見其文竒之因誨以讀書  
法樂齋攜弟仲尹磬泉下幃於里中紫雲寺寒暑  
罔間雍正癸丑與仲尹俱成進士主政銓曹由郎  
中歷任廣東肇羅道多惠政致仕後主錦江講席  
成就人才一時稱盛子昭麟以選拔任南江教諭  
所著有三彭合稿白鶴堂詩文集雪夜詩談若干  
卷

眉州屬志

卷十一

鄉賢

三

彭肇洙字仲尹少有大志秉性剛方以進士任刑  
部主政多所平反擢陞河南道監察御史遇事敢  
言名著一時有以漢員御史過多請裁者因致仕  
以歸掌教錦江經其造就者皆顯名於時年七十  
餘卒有白鶴堂撫松亭詩文集行世子茂支舉人  
官兩淮鹽場亦有政績

彭遵泗字磬泉少聰慧六歲能詩以省元成進士  
入詞林改兵部主事出任黃州府同知數歲卒磬  
泉喜著述有蜀碧丹稜志丹溪遺編行世所纂蜀

苑江濤峽轅等書皆闕蜀中文獻尙未脫稿今俱零落七林惜之子延慶任清江縣丞

楊鼎丹稜人父沒家貧無炊鼎溷水捕魚鬻米供母以其餘佐母食母善驚恒終夜不寐鼎伴卧則稍安數年鼎沒母獨居山中泣思鼎驚尤甚一夕疲倦夢鼎曰母無恐兒伴母矣母寤有大蛇盤卧足下曰爾是吾兒鼎耶當首肯蛇以首向上作肯狀自是每夜必至母驚爲減後十餘年母卒不知所之

眉州屬志

卷十一

鄉賢

三

彭承緒丹稜人戊辰武進士補西寧鎮屬河拉庫托營守備乾隆二十年出師剿由托木洛克並沙雅爾二路賊前敵奮勇陣亡奉

旨給與全葬致祭一次入祀昭忠祠加贈一級蔭一子郭天祿州人字子簡幼穎悟誠靜好學第進士授刑部主政歷任陝西司郎中留心庶獄多所平反時有以姦事控人者律當大辟獄具同官已書押天祿獨閣筆遲迴覆按得其情遂釋其人而坐誣者同官俱爲心服後擢宜昌守未赴丁父憂回籍

講學眉山學者多宗之

鄧克明州人字鏡亭學問優長器識遠大第進士  
歷任雲南太和直隸平鄉河南滎陽縣事潔已愛  
民留心庶政在平鄉時有弟兄爭產者控經數令  
未決克明激發其天良弟兄感動遂友愛如初在  
滎陽時有謀殺扳讎者前任株連儼罪克明知其  
誣細鞫得實遂釋其人闔邑感泣皆稱曰真民父  
母也

周應鰲州人父文俸出貿西寧爲夷人掠賣爲奴

眉州屬志

卷十一

鄉賢

三

文俸去後六月始生應鰲應鰲年十八欲尋父請  
於母攜信具以行歷數千里徧訪諸夷得父處父  
不識應鰲出信具父恍然曰真吾兒也相持大泣  
不能起夷人怪之羣至驚問悉其故則皆垂涕留  
數日欲俱歸應鰲徧拜諸酋長且懇曰無苦我父  
子夷人感其誠椎牛大饗送歸一家歡然州人盛  
傳其事

萬永錄州人農家子父洪瑞母陳氏尙健家極貧  
爲人傭以事親乾隆丁酉夏六月母率婦劉氏鯽



江河拾爨薪失足墜河永祿投水奔救母起永祿  
竟淪於河州人咸哀之

列女

漢

陽姬武陽人漢中太守楊文方妻

楊進武陽人廣漢王博妻二人華陽國志載犍爲  
列女中

唐

韋氏眉州司功參軍王綝妻士族也綝卒時韋年

眉州屬志

卷十一

列女

十四

二十五家欲嫁之韋固拒處一室或終日不食訓  
二子堅冰有法後皆爲名士卒年七十五著女訓  
行於世見唐書列女傳

宋

程氏適同州蘓洵通經史有氣節生子軾轍時洵  
遊學四方程教二子以書甚嚴每語家人曰二子  
必不忝蘓門軾嘗讀范滂傳慨然問曰軾若爲滂  
夫人許之否程曰爾能爲滂吾顧不能爲滂母耶  
史氏青神人曾祖著嘉州軍事推官祖昭吉大理

寺丞父及進士歸丹稜唐彥通嘗曰吾不逮事舅  
姑夫如父也飲食必侍立徹饌乃去彥通喜賓客  
重然諾無多寡用盡乃已竟坐此貧史處之怡然  
彥通嘗言吾六歲而孤勤苦自立取名於時豈有  
兄弟教哉以是未嘗督三子學史躬課讀至夜分  
乃寐以爲常彥通疾劇史祈天願以身代俄而疾  
暴作扶掖就枕後六日彥通愈而史卒諸子以告  
彥通聞之哀甚哭之以詩子三瞻庚庾

徐氏先世京兆人唐末避地丹稜徐幼穎悟事父

眉州屬志

卷十一

列女

五

及繼母無毫髮間年二十歸劉氏舅姑得之喜甚  
委以家政劉氏累世好施生計蕭然徐爲經理數  
年復振舅姑沒父母年老無嗣徐爲養葬能盡其  
道有孤姪從其母嫁者徐取歸視同己子課二子  
讀書甚力長子汲以進士爲合州司理叅軍迎養  
卒於官少子湜亦舉進士

史琰字炎玉幼穎悟嗜學博古善績文雅安張閭  
字士儀出守眉州聞其才且賢納爲冢嗣祺字子  
履之婦炎玉旣歸子履不事鉛飾日遊心翰墨間

與子履酬唱詩詞手自叙次名日和鳴集善用禿  
筆字體莊勁山谷謫涪於子履爲中表炎玉遺以  
綠菜山谷作贊以謝有維女博士史君炎玉之句  
師驥二女驥官右正言靖康中避難還蜀至唐州  
方城驛遇賊執二女長曰宜速殺我次亦不屈賊  
並殺之

元

楊氏州人父仲文以春秋世其家明於性學楊氏  
在室卽能通曉適內江虞汲生子集宋末兵亂汲

眉州屬志

卷十一

列女

三

挈家避嶺外無書可讀楊口授集論孟左氏傳歐  
蘓文比還已盡讀諸經通大義後集以文章名世  
皆母訓也

明

諶氏州人黃裳妻正統間以進士任行人卒於京  
無子諶年二十四守節二十八年成化間有司以  
節聞旌表其閭

張氏青神人余祥妻尙書子俊母孀居三十年有  
司上其事特旨旌表

程氏青神人苟翔妻翔卒程年二十五教子延年  
領鄉薦任源江知縣延齡邑庠生年九十五終  
黃氏明善之女適新都石齋少師楊廷和初石齋  
與黃以艱嗣爲憂嘗禱於神夢神語曰當以聰明  
奇慧子昇君又夢送五代忠臣夏魯奇至曰武臣  
也復以中庸十八章輔之生子慎岐嶷穎達十歲  
黃教之句讀併授以唐絕句又以筆管印緙作圈  
令書字於中曰吾雖不知書卽此則楷正自可觀  
矣

眉州屬志

卷十一

列女

七

鄧氏州人幼能詩適叙州戶部郎金寬嘗奇寬詩  
云鎮日多愁屢廢殮閉門清坐遣應難庭前別我  
春猶在月下懷君秋已殘幾點落花誰著眼一聲  
飛雁獨凭欄夢回湘簟無消息更啓前書仔細看

皇清

胡氏湖廣談學廩之妻學廩卒於眉子女俱幼有  
豪貴悅其色欲強納爲妾胡力拒之度不能免遂  
削髮自誓撫其子成立年六十終

談氏女父學廩明末任眉因寓焉談已許聘雙卒

兄亦幼談曰吾母子三人相依爲命忍舍吾母而他適耶矢志不字夫家不能強日効女紅給母年五十五卒知州金一鳳榜其門曰完貞純孝

嚴氏丹稜諸生彭之權妻青年守節養翁姑撫弱息辛苦三十二載

汪氏彭山黃仁妻仁卒遺一子一女尙幼汪勤紡績撫育成立歷久不移其操

眉州屬志

卷十一

列女

三

年邑人欲舉彭節彭泣曰吾姑守節五十六年育吾夫兼撫吾子吾何忍獨受榮名迄不就年五十六卒

王李二氏俱丹稜人王適彭良李適彭端轆一十四一年十八適彭五載而失所天年逾七十而卒李一子王無嗣

張氏青神張崇高女適段朝一載而朝卒撫遺孤王氏之子元福成立苦節四十年乾隆二十五年知縣詳請旌表其閭

周氏適彭山趙永錫三載而永錫卒周矢志不嫁奉姑撫幼子苦節四十四年

歐陽氏彭山田仁瑞妻少寡清操矢志艱苦備嘗訓前室子皆遊庠

汪氏彭山江高朋妻年二十三矢志守節孝事翁姑撫三子成立

熊氏彭山庠生廖燦妻燦亡年二十二歲所遺二女因姑老矢志守節以養終始無間

甯氏劉永布之妻因李潮伸調戲羞忿自縊事聞

眉州屬志

卷十一

列女

无

本州詳請旌表貞烈

蒲氏吳連科之妻因張宣順調戲羞忿自溺事聞

本州詳請旌表貞烈

李氏戴元後之妻元後早卒李年二十一歲矢志守節三十七載乾隆六十年詳請旌表

鄒氏州人年十九歸李春盛爲室二年生一子而春盛卒家貧無翁姑伯叔紡績爲生撫子成立現年八十

王氏州人歸劉真儒爲室年二十三歲生二子而

真儒卒王孝養翁姑教育二子次子光緒補州庠  
生現年七十餘

高氏州人舒子成妻年九十餘里中大石橋爲進  
省孔道乾隆五十六年橋圯高捐金二百餘重建  
里人更橋名福德先是子成曾捐金三百餘重建  
李相橋人謂高氏善承夫志云

熊氏州人劉偉士之妻年二十偉士卒遺一子邦  
珍撫養成立娶媳宋氏甫生子國典邦珍亦相繼  
卒復撫孤孫年六十一終

眉州屬志

卷十一

列女

三

田氏新津田在公女年十六歸丹稜彭芳支未三  
載芳支卒矢志守節撫姪爲嗣姑病刺血和藥以  
進病旋愈乾隆五十三年詳請旌表

徐氏丹稜人適生員羅成德年二十四生一子成  
德旋卒家貧翁姑年邁徐紡績以養爲子婚配生  
孫挺秀年十四入邑庠徐年七十里人呈請旌表  
其閭

瞿氏丹稜劉啓欽妻年二十一啓欽卒立志撫子  
苦節四十五年孫德光入邑庠

李氏丹稜張元亨妻年二十三元亨卒矢志撫孤子恒修成立苦節四十餘年

王氏年十八歸張恒修逾年恒修卒遺孤寅斗未週歲王效姑守節勤苦教養寅斗入邑庠

康氏丹稜羅國紹妻生二女年二十三國紹卒矢志守節家貧紡績侍養翁姑年逾七十終

周氏洪雅生員周冠女年十六適丹稜彭崇仁數歲崇仁卒無子矢志守節侍奉翁姑撫姪承祧

羅氏丹稜章建忠妻生一子建忠卒子亦亡有勸

眉州屬志

卷十一

列女

三

羅再適者羅不從矢志守節撫姪爲嗣

彭氏丹稜人年十九適薛萬格生一子萬格卒彭

勤苦以養翁姑喪葬如禮撫子成立苦節六十年

李氏丹稜人年十八適楊東泰生二子東泰卒紡

績教養長子燦然入邑庠次子婚配逾年亦卒生

孫地成亦撫成立苦節五十年年七十五終

彭氏丹稜王希紹妻生一子希紹卒彭年二十三

有謀欲令再適者彭知之攜子回母家針工自給

撫子成立衣食頗豐年八十九終



邵氏丹稜朱國祥妻數年國祥卒遺孤二子邵窮  
苦守節撫子成立孫履和入邑庠年八十二終  
彭氏丹稜張廷賢妻歸數歲廷賢卒無子彭矢志  
自守撫一子爲嗣苦節四十九年

彭氏丹稜世族適王睿臨生一女睿臨卒彭矢志  
守節奉養翁姑備歷艱辛年七十四終

劉氏李玉成妻生一子玉成卒劉年二十三矢志  
自守奉養翁姑備極辛勤

陳氏丹稜羅明徵妻明徵亡月餘始生一子陳年

眉州屬志

卷十一

列女

三

二十堅志自守奉事翁姑撫子成立

雲氏青神人適監生陳虞應六年虞應卒雲矢志  
自守撫幼子成立苦節四十二年詳請旌表

雷氏青神陶文學妻歸五年文學卒雷矢志自守  
撫幼子成名苦節三十七年詳請旌表

沈氏青神人年十六歸宋開明數年開明卒遺一  
女沈誓不再適苦節七十年現年九十一歲

余氏青神吳起俊之妻生二女起俊卒年二十二  
矢志守節奉事翁姑葬祭如禮現年七十六歲

王氏青神人年十六歸辜洪文二年洪文卒越二月生一子王矢志守節孝養翁姑撫子成立現年五十四歲

邵氏青神吳文英妻生一子方幼文英卒邵矢志不移奉養翁姑撫子成立現年七十二歲

黃氏青神陳謨妻歸二年謨卒遺一子黃奉養孀姑撫育幼子至於成立現年六十一歲

張鳳音彭邑庠生張鳳翔之姊幼受嚴氏子聘嚴遊蕩不知所之嚴之父母以張青年難待浼媒索

眉州屬志

卷十一

列女

三

聘聽張他適張父母欲從張以死誓守貞不字五十五年矣里人欽之

嚴氏丹稜人年十六適周肇祖肇祖早逝家貧姑老矢志養姑訓子子士宏補丹邑庠生年九十五終

周氏年十八適丹邑陳錄越六年錄越卒遺一子熙元有勸以他適者周剪髮自誓紡績教子年七十三終

李桂音李玉川之女原籍威遠隨父遷眉州幼許

字威遠李什端之子貧不能娶其子尋卒梓音矢志守節父母勸之他適堅執不從依其兄嫂以女工度日現年四十六歲

趙氏年十六歸州人王化順生一子而化順卒翁姑以家赤貧趙青年難守令之他適趙謂翁姑止一子子死婦去親老何依願矢志終養越十餘年翁姑相繼卒趙百計泣貸始克喪葬現年五十六歲猶孤窮自守

李氏州人黃尙德妻生一子尙德尋卒李矢志守節撫孤養翁後續娶繼姑趙事之盡禮越三十餘年翁姑先後卒李爲殯葬現年六十八歲

管氏州人何汝鳳妻年二十一歲生子南一汝鳳尋卒管矢志守節養孀姑教孤子南一長入州庠現今姑年九十有三管六十有四猶孝敬不衰

張氏州人生員彭世清妻生二子年二十三而世清卒張矢志守節家貧紡績養孀姑撫孤子姑卒喪葬盡禮苦節四十三年現年六十六歲

李氏州人吳玉琮妻二十一歲玉琮卒李立誓守

節以姪桂枝承嗣事翁姑養葬盡禮撫子成立令  
已有孫

劉氏州人適萬永錄數年永錄淹斃劉父母及翁  
姑以劉年少諭令他適劉以死自誓越七月劉遺  
腹生一子孝養翁姑撫子成立

韓氏州人鄒仕林妻生子肇榮三日而仕林卒韓  
貧苦紡績養翁姑訓幼子翁姑卒喪葬如禮肇榮  
長入州庠娶媳生一子而肇榮旋卒復撫孤孫成  
立現年八十一歲

眉州屬志

卷十一

列女

三

鄒氏年十五歸州人黃正色未逾月而正色卒鄒  
矢志守節紡績以養翁姑喪葬以禮現年六十餘  
歲

祝氏州人年十八歸賀文藻三歲而文藻卒祝矢  
志守節越五月遺腹生一子家貧紡績養翁姑撫  
孤子苦節四十七年現年六十八歲

熊氏州人何天柱妻生一子年二十二歲天柱卒  
熊矢志守貞事翁姑養葬盡禮撫孤子成立苦節  
六十年現年八十三歲

王氏州人張正宗妻生一子而正宗卒王矢志守節貧苦紡績事翁姑撫孤子苦節四十四年年六十四終

謝氏年十九歸羅緒田數歲生一子廩而緒田卒謝矢志守節事翁姑養葬盡禮娶媳劉氏生一子而廩又卒復撫孫成立苦節六十一年現年八十五歲

宋氏州人劉邦珍妻生子國典而邦珍卒宋矢志守節事孀姑養葬盡禮撫孤成立援例入監苦節

眉州屬志

卷十一

列女

美

三十九年士民現公呈請旌

彭氏丹稜人年十八適王上智生子女各一甫四年而上智卒踰歲子亦夭舅姑以彭年少欲令他適彭矢志終養苦節五十年現年七十二

林氏州人黃元宗繼室元宗卒林撫幼子粹遇強暴守正被戕節烈可嘉詳請旌表

王騰英州人王自彥之女許字白玉未于歸玉亡氏因父母多病一弟尙幼願守志養親現年四十六歲

辜氏青神人辜明高之女年十八歸周洪祚數載  
洪祚卒遺一子之冕氏矢志守節奉養翁姑撫育  
之冕成名現年八十歲

高氏州人高憲章之女年十六歸生員黃懋中數  
年懋中卒氏矢志守節奉養姑嫜撫伯兄之孫維  
屏承嗣

鄒氏州人年十九歸何永清三載生一子永清卒  
氏矢志守節奉養翁姑撫育孤子翁卒喪葬盡禮  
今姑年九十二歲氏苦節三十七年

眉州屬志

卷十一

列女

七

李氏州人年十六歸李長富二載長富卒翁姑憐  
其幼令之他適氏矢志守節奉翁姑撫子承嗣  
張氏州人年十五歸劉永治二載生一子永治卒  
氏守志安貧奉事孀姑撫子成立

李氏州人年十八歸喻景芳二載景芳卒遺腹生  
一子氏守志撫孤子年十五復天氏撫伯兄子承  
嗣孝事孀姑苦節永貞

王氏州人王自志之女年十六歸楊永仲二載永  
仲卒氏矢志守節撫兄子承嗣孝事翁姑養葬如

禮現年六十五歲

張氏州人年十六歸楊永齡二載永齡卒氏矢志守節撫兄子為嗣子卒復撫諸孫成立今翁姑年八十餘氏猶孝養不衰

梁氏州人適楊宗仁年二十宗仁卒梁矢志守節為夫撫嗣承繼苦節六十年現年八十歲

汪氏州人汪旭崑之女歸庠生涂濡桂年十八濡桂卒汪矢志守節孝事翁姑撫伯兄子肇啟為嗣補州庠生旋亦卒汪復撫諸孫三十餘年苦節永

眉州屬志

卷十一

列女

三

貞

楊氏適州人汪毓秀年二十毓秀卒楊矢志守節奉養孀姑撫孤子序成立援例入監苦節四十一年現年六十一歲

鄉賢祠從祀

眉州

宋

孫 抃 蘇 洵 蘇 軾 蘇 轍

任伯雨 楊 椿 家大酉 朱臺符

史子熙 劉盛 家愿 任諒  
王穆

明

張添紹 張景賢 張添祿 張愈嚴

譙明 左經

丹稜縣

宋

史通 孫道夫 李中 楊明

劉汲 唐瞻 史恂 李燾

眉州屬志

卷十一

鄉賢從祀

三

楊洵 唐庚 李壘 李壁

李壘 劉湜

彭山縣

漢

朱遵 張皓 張綱 楊戲

杜撫

蜀漢

程瓊 楊洪 張翼

晉



李興 張徵 張統

宋

呂陶 唐重

明

王用才

青神縣

明

余祥 余子俊

節孝祠從祀

眉州屬志

卷十一

節孝從祀

單

丹稜縣

宋

唐蒙震 楊守讓 楊柳枝 孫如壁

宋 沂 胡文貴

彭山縣

蜀漢

方子高

晉

李密

宋

文初

皇清

魏榮龍

節孝婦女從祀

眉州

宋

程氏

師驥二女

元

眉州屬志

卷十一

節孝從祀

聖

楊氏

明

譙氏

張氏

程氏

皇清

談氏女

胡氏

汪氏

蒲氏

甯氏

彭山縣

皇清

汪氏

胡氏

閔氏

陳氏

周氏

歐陽氏

汪氏

熊氏

贈諡

漢

朱

遵以拒公孫述死節贈復漢將軍

蜀漢

張

翼以討劉胄功賜爵關內侯

晉

楊

邠以守衡陽死節贈淮南內史

宋

眉州屬志

卷十一

贈諡

三

史克恭以攝丹邑死國事追封忠佑侯

孫

抃以參知政事卒諡文懿

蘓

洵以修纂禮書成卒贈光祿寺丞

蘓

軾高宗朝贈復資政殿學士諡文忠孝宗朝

特贈太師

蘓

轍卒贈復端明殿學士淳熙中諡文定

楊

椿以兵部尚書參知政事卒諡文安

李

中以仙井監卒贈宣奉大夫

劉

汲以守鄧州死節贈大中大夫諡忠介

李 燾以禮部侍郎卒贈光祿大夫太師溫國公  
謚文簡

李 壁以權禮部尚書卒進資政殿學士謚文懿  
李 壘以禮部尚書卒謚文肅

家大酉以工部侍郎卒謚文節

楊 棟以禮部尚書參知政事卒贈少保

明

余 祥以子子俊貴贈都御史

王用才以寧府長史宸濠叛死節贈太常少卿

眉州屬志

卷十一

贈謚

聖

皇清

彭萬崑以孫貴累贈承德郎奉政大夫懷遠將軍

妻陳羅氏累贈安人宜人淑人

彭 珣以子貴累贈承德郎奉政大夫妻王氏累  
贈安人宜人恭人

彭 璋以子貴贈懷遠將軍妻王氏贈淑人

彭端淑封奉政大夫妻楊氏封宜人

彭肇洙封承德郎妻王氏封安人

彭遵泗封奉政大夫妻倪氏封宜人

郭天祿封朝議大夫妻趙氏封宜人

鄧克明封文林郎妻吳氏封孺人

汪毓秀因胞弟景蕪任兵馬司副指揮呈請馳贈

儒林郎妻楊氏馳贈安人

流寓

唐

李 白彰明人讀書彭邑象耳山有石刻留題

宋

范 鎮華陽人讀書彭邑磐石山鎮題詩刻石明

眉州屬志

卷十一

流寓

畧

邑令樊瑾爲之記

虞公著仁壽人讀書彭邑東山有精舍

方外

附寺觀

志乘所載不外民生日用教養諸大端或徵諸古

或証之今彙而書之以資考鑒而已他如二氏之

爲教其言虛無恍惚爲治者無所取焉况眉屬寺

觀無慮數百緇流羽客所在充斥尤懼誘惑齊民

正宜辭而闕之使吾道豁如何必爲之紀述哉特

以靈蹤秘迹曩志留傳未便刪削而各勝所在又

尋幽訪古者所必及也故綴諸志末俾附見焉

周

彭祖陸終氏第三子錢鏗也自唐歷夏殷封於天彭周衰始浮遊四方晚入蜀抵武陽家焉王僑裴秀冀州記緱氏仙人菴者昔有王僑犍爲武陽人爲栢人令於此登仙

漢

瞿真人彭山人名居字鵲子入峨眉山四十年得仙乘白龍還家繫龍於潭白日上昇

眉州屬志

卷十一

方外

聖

張道陵居彭邑北平山修真得道

史平通光武時自會稽來蜀詣峨眉山謁天皇真人授以秘訣遂居青神結茅廬煉丹餌之又廣行陰德功滿得證仙果

唐

張遠霄眉山人見老人授竹弓一鐵彈三質錢八百千而張無靳色老人曰吾彈能辟疫癘宜寶而用之再見老人遂授以度世法熟視舉首見其目中各有兩瞳子後往白鶴山垂釣西湖峯上有異

人曰此乃四目老人翁君之師也尙記授竹弓鐵彈時耶張大悟

牟羅漢眉山人名安以廂兵隸倅廳如岷山陟上清坂忽遇髯者顧笑曰汝何不食栢子耶摘子投六口顧髯者不復見遂不火食大雪中庭有甕貯水解衣就浴往往通老莊至到語一日江水暴漲舟不可行或戲指其笠曰乘此渡可乎牟遂置立水面趺坐其上截江以渡觀者異之人呼爲牟羅漢

眉州屬志

卷十一

方外

巽

李煉師眉山人天寶九載修道於松栢山中能禱雨以救民旱其應如響

楊昭慶景雲中自京兆來眉志尙清虛居青神遊仙觀中三十餘年感五嶽丈人希受真君授以朱明龍文遂得尸解

楊正見丹稜人修煉於龍鵠觀中道成仙去

成無爲開元間女道士幼出家誓死不嫁卜居丹邑龍鵠山下調形煉氣却粒茹芝年五十仙去栖隱處有龍洞遺跡羽士趙仙舟奏進其衣履傳之

見松栢山碑記

爾朱真人眉山人隱居飄然山仙昇時遺有丹爐  
丹井石床石洞

僧可朋丹稜人幼聰慧披緇竹林寺與盧延讓爲  
風雅交性好酒自號醉禿積酒債貧無以償邑令  
歐陽炯一見契之曰此孟郊賈島流也時時賙之  
有詩千餘篇號玉壘集炯嘗納涼寺中與同僚依  
林亭列樽俎歡飲寺外耕者曝背烈日中耘田擊  
鼓催工不休朋作歌刺之炯聞遽撤飲時稱朋善

眉州屬志

卷十一

方外

七

諷歐陽善聽云嘗過洞庭題詩水涵天影澗山拔  
地形高杜甫舊居傷心盡日有啼鳥獨步殘春空  
落花寄齊已雖陪北楚三千客多話東林十八賢  
贈友來多不似客坐久却垂簾又虹收青嶂雨潮  
落半江天詩因試客分題僻碁爲饒人下子低不  
減古人云

宋

矮道士李伯祥州人好爲詩詩格亦不甚高往往  
有竒語如夜過修竹寺醉打老僧門之句皆可愛



也東坡尙幼一見嘆曰此郎君貴人也

陳太初眉山人初與東坡同學於道士張易簡後東坡謫黃州有眉山道士陸惟忠來云有得道者曰陳太初問之則同學者也又數年見東坡於惠州云太初已尸解矣

承 皓丹稜人號玉泉王氏子依大力院出家元豐間張商英奉使京西南路就訪之致開法於郢州大陽言畢而逝人稱皓禪師

宋 耕彭山人官宣教郎性剛介因亂棄官莫知眉州屬志

卷十一

方外

哭

所之子廉訪聞在越求之已去四明孫德之渡江尋訪有蜀僧言山後爛平山三居士在焉其一宋宣教也躋攀而至惟見丹竈藥爐而已

心 道名常德丹稜徐氏子出遊江淮至舒之太平寺師事佛鑑證道後遇亂其徒欲引之去心道曰學道以了生死何避之有賊至舉槊刺之血皆白乳賊衆驚怖引席覆之而去

明

張元羽州人精於飛精黃白之術日與羣仙聚於

會仙亭所著有元羽集行世

李青霞州人幼失明父母棄之江中流至青神漁人拾而養之從瞽史學琵琶後聞道士論丹法因擊碎琵琶願從道士爲徒道士許之遊諸名山十載歸來已有所得能諸幻術訪弟妹之在傭伍者而婚嫁之數載至綿州卒又數年州別駕尹姓者江西人至任謂城隍廟道士曰爾名曾天成乎吾來時有李青霞道人寄聲於子天成青霞之弟子乃知昔卒蓋尸解也

眉州屬志

卷十一

方外

異

張咸各山人明末諸生放浪不羈同學皆呼爲顛从客丹稜言人禍福多奇中有乞丐患瘋疾吐其沫使啖之卽愈性好酒嘗止逆旅主人以爲顛驅之或宿之且待之厚臨別語曰當報汝因洩洩高數丈達於屋脊數日市火延燒殆盡至洩處忽滅後遊重慶以蒲團渡江莫知所終

臯清

羅節丹稜道士有異術結茅盤陀山養虎自衛歲旱邑令延禱之節取雞卵百餘置臼中令人舂

擣無損者詣壇擲卵每一擲卽有雷電隨之俄而黑雲布空大雨如注平地水深三尺視節衣履乾燥如常初擲卵訝其不下後訪知盡入節家然去邑三十餘里矣

陳益丹稜市民康熙中爲里甲代民輸公錙銖不枉一日出外不歸後有人於東南山中遇之呼曰識南街陳益否歸語吾妻子勿吾望也言罷騰樹而去

毛女丹邑民家子年及笄忽失不知所徃父母索之不得後二年有遇於竹林寺山中者升騰木末捷如飛鳥叩其故曰食松葉耳遍體生毛人呼爲毛女

寺觀

眉州

寶華寺

城內康熙初年建乾隆四十二年知州蔡宗建重修

玉清觀

城內康熙五十四年重建

白衣菴

城內康熙丙辰年重建

痘疹菴

城內萬歷間建乾隆五十九年重修

眉州屬志

卷十一

方外

辛

藝頤觀

治東七里康熙間知州趙蕙芬金一鳳先後重建石逕幽邃遊人多集

旌喜院

藝頤山北宋蘓東坡兄弟嘗讀書其間有韓琦記老泉詩刻石

不二寺

治北二十里康熙二十六年知州董永荃重建

象耳寺

治西十里

大旺寺

治東二十里康熙四十二年重修

華藏寺

治南三十里上有東坡讀書墓

乾明寺

治東三十里

洛陽寺

治西三十里洪武三十五年重修

治平寺

治西三十里

眉州屬志

卷十一

寺觀

三

白兔寺

治南四十里雍正六年重修

寶藏寺

治北五十里永樂元年重修

實相寺

治西五十里康熙四十四年重修內有東坡讀書院

法寶寺

治西六十里

大明寺

治西五十里

觀音寺

治南六十里乾隆三十七年重修

鐵鈴寺

治南六十里乾隆五十九年重修

寶林寺

治南八十里康熙十二年重修

玉山寺

治南八十里

龍華寺

治南八十里  
嘉靖時建

三峰寺

治西八十里  
乾隆十九年重修

飛鳳祠

治西八十里  
乾隆三十年重修

寶祿寺

治東五十里  
唐時建  
康熙三十年重修

壽尊寺

治西八十里  
雍正十二年重修

千佛寺

治西八十里  
康熙五十九年創修

雅慈寺

治西八十里  
明宏治二十二年建  
掘地得碑  
係宋唐子西故宅  
康熙三十五年重修

興福寺

治西八十里  
乾隆十九年重修

燈壁寺

治西九十里

眉州屬志

卷十一

寺觀

五

牛心寺

治南九十里  
乾隆三十五年重修  
後有石洞石几石硯  
前有主簿升

月溪寺

治西九十里  
乾隆四年重修

永興寺

治西一百里  
乾隆十五年重修

大佛寺

治西一百里  
乾隆二年重修

棲雲寺

治西一百里  
乾隆九年重修

龍池寺

治西百里  
宋紹興間建  
明永樂及萬歷時重修  
寺多明人詩句

觀音寺

治北二十里

蓮花菴

治北二十里

丹稜縣

觀音寺 治東八里聯溪  
曲徑崒岑穹窿

楓落寺 治東北里許山勢拱抱二松天矯冷朝陽  
詩有日霜飛秋葉冷纔見僧家寂寞時

竹林寺 治東南三十里唐元和  
間建即僧可朋住錫處

古陳菴 治南十  
五里

雲定寺 治南二十里有石碣詩云一片青山雲隔  
斷老僧來與雲作伴白雲歡喜兩平分僧

雲一半

山西菴 治南三十里康熙  
五十六年重修

羅漢寺 治南三  
十里

白塔寺 治西一里唐大中年建嘉靖間  
楊慎與邑令呂禧賦詩塔上

眉州屬志 卷十一 寺觀

聖

孫家菴 治西  
十里

普照寺 治西三十里洪武中  
建乾隆六年重修

紫雲寺 治西三十里順治  
中邑人彭萬崑建

隆興寺 治西四  
十里

福合寺 治西四  
十里

宋家菴 治西四  
十里

金藏寺 治西四  
十里

興福寺 治西南三十里  
宋紹興間建

天華觀 治西一里宋  
蘓轍為記

會靈觀 治西三十里

天臺觀 治西三十里 成化中建

元靈觀 治西北五里

龍鶴觀 治北二十里 唐貞觀中建 明永樂時重修

通真觀 治南里許 其地幽勝 邑令呂禧詩城闈百步轉滄浪 瓊宇高張對夕陽 卽此

向家觀 治南三十里

彭山縣

磐石寺 治東 唐咸通中建

大聖寺 在象耳山 明時建

眉州屬志

卷十一

寺觀

寺

興福寺 治南

龍興寺 治北 明正德間建

洪塔寺 治西三十里

毘盧寺 治北三十里 元時建

武陵寺 治東北三十里 明成化年建

郭家寺 治西北三十里 明正德年建 萬曆十三年蜀王遣官陳世節鑄鐘於寺

蓮池寺 治北二十五里

寶珠寺 治南五里

平蓋觀 治北 唐開元年建 康熙間知州金一鳳重修 并建望江樓 俯瞰清江 儼如畫圖

北平觀 治西北二十五里

聖壽寺 治西三十里長松修竹雅多幽致

彭祖寺 治東三十里

壁山寺 治東二十里乾隆十八年重修

仙女寺 治東有仙女洞並池重岩滴翠俯瞰江天千里一色

梓潼宮 治北二十里康熙間知州金一鳳建

菩提寺 治西二十里

天皇寺 治西南二十里

寂照寺 在大佛山

眉州屬志 卷十一 寺觀

五

盤龍菴 治南三里

西山寺 治北三十里唐時建

居隱寺 治北四十里

寶象寺 治西北三十里

洪熙菴 治東北三十里

石佛菴 治東北二十里

青神縣

龍女寺 治北二十里

馬槽寺 治西十五里



太圖寺 治東八里

聖壽寺 治北門外

白塔寺 治西南十里

三青寺 治東十里

玉蟾寺 治東三十五里

大佛寺 治東二十五里

紅蓮寺 治東十五里有上中下三寺

象鼻寺 治東南八里

巍峯寺 治東十里

眉州屬志 卷十一 寺觀

盤陀寺 治東二十五里

白雲寺 治東十里

景德寺 治南二十五里

中興菴 治南十五里

報恩寺 治南十五里

德雲寺 治南二十五里

三堂寺 治南八里

指水寺 治南三十里

圓通寺 治南三十里

大乘寺 治西十五里

寶鏡寺 治西三十里

藥師院 治西三十里

陰峯寺 治西五里

龍泉寺 治西二十里

觀音寺 治西二十里

二臺寺 治西四十里

龍鳳菴 治北三十里

玉京觀 治內

眉州屬志

卷十一

寺觀

筆

玉皇觀 治西十五里

